

13

分

大

小

中

大

遼

代

文

學

考

九江東塾堂堂去
今日讀書無此人
半榻花陰一瓶水
不知門外是紅塵

弟黃榮康

如水紗廚稱隱居
問君纂述近何如
前身應是劉中壘
來校人間未了書

姨甥黃肇沂



行年五十徒存寒
儉風骨擁書五萬
餘卷而胸無一物
留影人間能無面
熟自云皮裏春秋
究是衣中蠅蝨入
乎世而違乎時人
之見之必曰汝真
癡絕

乙丑首夏述纂自題

遼代文學考敘目

遼代蕃漢諸人篤學者多故詩畫文章時播中朝之
譽其完全篇帙任恆輯爲遼文最四卷已可畧見一
斑至於零章賸句不可入集者正復不少因搜正史
及諸說部書凡涉遼人文學之言悉爲纂錄編成二
卷以備檢查覺遼蔚起儒風正不得以其東夷而輕
之也海寧周春撰遼詩話於詩歌謠諺書畫言之已
詳茲不復贅即西夏高麗投贈宋金之書表與遼代
無關亦弗采焉光緒三十一年三月南海黃任恆

卷上

總論

好學

能文

卷下

經籍

學校

試士

文字語言

藝術

釋道

目錄終

遼代文學考卷上

南海黃任恆秩南輯

總論

遼史文學傳序曰太祖以兵經畧方內禮文之事固所未遑及太宗入汴取晉圖書禮器而北然後制度漸修至景聖間則科目聿興駸駸崇儒之美

以後凡引遼史但著明某紀某

志某表某傳不復書遼史二字

葉隆禮契丹國志二十二曰南京本幽州地乃古冀州之域人多技藝秀者學讀書次者習騎射耐勞苦元好問閑閑公墓銘曰遼以科舉爲儒學之極致假

貸剽竊牽合補綴視五季又下衰唐文奄奄如敗北之氣沒世不復亦無以議爲也

遼山集
十七

厲鶚遼史拾遺序曰自聖宗與宋盟好後文物漸開科目日盛意當日必有記注典章可裨國史者求之簿錄家不少槩見即家集野乘亦散佚無傳豈以書有厲禁不得入中朝乎抑金源初年尙武雖滅遼未遑收及圖籍乎

魏源古微堂外集四曰遼起塞外宜乎不識漢文而首立孔子廟太祖即親祭孔子太宗及東丹王兄弟皆工繪事勒石能銘登高能賦師旅能誓其材藝有

足稱者每科放進士榜百餘人故國多文學之士其
史紀表志傳皆詳明正大雖在元代前而遠出元代
之上

韓泰華無事爲福齋隨筆下曰遼一代文獻無徵海
鹽周春著遼詩話余爲之補綴三十餘條方將授梓
毀於金陵寇難

丁丙善本書室藏書志六曰遼史疏略厲鶚特爲拾
遺楊復吉更爲續之然余所見如路振乘輶錄見晁
伯宇續談助陳襄神宗皇帝即位使遼錄見古靈集
金王介儒撰降封天祚爲海濱王詔見郝經續後漢

書荀宗道注引金實錄孝子齊陶見灤州志宋致遼國書百餘通見宋大詔令厲楊二家皆未及采然則此書尙可更續也

趙之謙沈氏論語孔注辨僞跋曰韓君小亭嘗手輯遼文存自言大半得於荒原古社氈蠟之餘曾借觀而不可玉雨所藏一剎那中間亦散亡文字因緣猶賴布施

繆荃孫遼文存敘曰契丹開國久於完顏文教之彰使命之美亦與金源彷彿惟遼時書禁甚嚴不準傳於鄰境五京兵燹縑素掃地今遼人遺書止存龍龕

手鑑焚椒錄星命總括三種而搜采金石文字又僅得順天屬易州宣化一帶山西奉天力所未及單詞片語靡不搜采共得詩文二百餘篇遼時文學之士如蕭罕嘉努李潛王鼎馬得臣耶律孟簡張儉沙門了洙均得其一二吉光片羽彌可寶愛至塔記幢記有古雅者有村俗者不得以文律繩之

葉昌熾語石六曰近時畿輔遼金碑先後出土余欲輯金文以補張金吾之闕又欲輯遼文藝風以爲先得我心請割愛余曰文章天下之公器也遂輟業

好學

聖宗

契丹國志七曰聖宗好讀唐貞觀事要至太宗明皇實錄則欽伏又親以契丹字譯白居易諷諫集召番臣等讀之又喜吟詩御製曲百餘首

興宗

興宗紀一曰帝幼而聰明長而魁偉好儒術通音律重熙六年六月賜耶律胡覲袞命上親爲製誥詞並賜詩以寵之

道宗

道宗紀四曰大安二年正月召權翰林學士趙孝嚴知制誥王師儒等講五經大義

又紀五曰大安五年四月召樞密直學士耶律儼講尚書洪範五月命燕國王延禧寫五子之歌

洪皓松漠紀聞曰大遼道宗朝有漢人講論語至北辰居其所而衆星拱之道宗曰吾聞北極之下爲中國此豈其地耶至夷狄之有君疾讀不敢講則又曰上世獯鬻獫狁蕩無禮法故謂之夷吾修文物彬彬不異中華何嫌之有卒令講之

契丹國志九曰道宗帝聰達明睿端嚴若神觀書通

其大畧神領心解

耶律雅里

天祚紀四曰耶律雅里者天祚皇帝第二子也字撒
鸞保大三年北走至沙嶺即位改元神曆性寬大每
取唐貞觀政要及林牙資忠所作治國詩令侍從讀
之卒年三十

耶律長沒

皇子表曰寧王長沒字和魯堇世宗第三子敏給好
學能詩

耶律倍

宗室傳曰義宗名倍小字圖欲幼聰敏好學外寬內
摯太祖征渤海改其國曰東丹以倍爲人皇王主之
太宗旣立見疑唐明宗聞之密召倍倍立木海上刻
詩攜高美人載書浮海而去明宗賜姓東丹名之曰
慕華復賜姓李名贊華後明宗養子從珂弑君自立
遣壯士害之時年三十八

舊五代史契丹傳曰唐明宗初纂嗣遣姚坤告哀至

慎州安巴堅曰

任恆案卽太祖阿保機

河南天子吾兒也旣殂當合

取我商量安得自便其子托雲

任恆案卽圖欲

因引左氏牽牛

蹊田之說以折坤

耶律隆先

宗室傳曰平王隆先字團隱爲人聰明博學能詩有
閬苑集行於世

耶律濬

又曰順宗名濬小字耶魯幹幼而能言好學知書道
宗嘗曰此子聰慧殆天授歟八歲立爲皇太子及母
后被害徙於上京囚園堵中乙辛尋害之年方二十
趙延壽

趙延壽傳曰延壽本姓劉恆山人父裨將趙德鈞養
以爲子少美容貌好書史唐清泰初爲樞密使石敬

通文
塘發兵太原延壽與德鈞走團柏峪太宗追及俱降
世宗即位授樞密使天祿二年薨

劉晞

舊五代史九十八曰劉晞者涿州人也少以儒學稱
於鄉里嘗爲唐將周德威從事後陷於契丹嘗三知
貢舉歷官至同平章事兼侍中卒於北蕃

耶律屋質

耶律屋質傳曰屋質字敵輦姿簡靜有器識博學知
天文應曆五年爲北院大王保寧四年五月薨年五
十七